



16 januaari 2023

## **Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.**

### **Naalackersuisunut apeqqut:**

1. Naalackersuisunit isumaliutigineqarnikuua saniatigooralugu puisip amiinik piffissap aalajangersimasup iluani tunisisoqartalernissaanik?
2. Saniatigooralugu tunisisoqartalissanngippat sunik Naalackersuisut tunngavilersuuteqarpat?

*(Inatsisartunut ilaasortaq Mala Høy Kúko, Siumut)*

### **Tunngavilersuut:**

Uani 2021-mi apeqquteqarninni naammassinera tusarnikuunnginnakku massakut paaserusuppara qanoq inerniliisoqarsimanersoq Naalackersuisuniit. Taamani ima apeqqutigisara imaqarpoq. Nunatsinni saniatigooralugu pinialuttartunut puisip amiinik tunisisinnaangortitsinissamik Naalackersuisut pilersaaruteqarpat?<sup>1</sup>

Akissut 2: Naalackersuisut kiffartuussinermut Kalaallit Nunaata Ammerivianut isumaqatigiissutaani taamaallaat ilaapput piniartunit inuussutissarsiutigalugu piniarnermut allagartalinnit puisip amiinik pisisarneq. Piffissani puisit amiinik amigaateqarfiusartuni Kalaallit Nunaata Ammeriviata misilittarsimavaa, - kingullermik 2018-imi, - amernik niuernikkut akilersinnaasumik tunngavilinnik tapiissutitaqanngitsumik pisiortortarneq, kisiannili qaammatip ataatsip ingerlanerani taamaallaat ammit 300-t tunineqarmata, misililineq taanna unitsinneqarpoq.

Ingerlaavartumik isumaliutersuutigineqartarpoq kiffartuussinermut isumaqatigiissutip siammassinnerulersinneqarsinnaanera, amernik saniatigooralugu pinialuttartunit pisisalernikkut. Tamatumunnga atatillugu assersuutigalugu piumasaaqatigineqarsinnaavoq taamaallaat inuit saniatigooralugu piniarnermut allagartaqartut tunisaqartarsinnaaneri, immaqa piffissani aalajangersimasuni, soorluttaaq ammit suussusii aalajangersimasut killilimmillu amerlassusillit kisimik tunineqartarsinnaassasut, piffissani aalajangersimasuni. Ilutigisaanillu soorunami qularnaarneqassaaq EU-mi inatsisit matumani atuuttuusut eqqortinneqassasut.

Isumaliutigisassat taamaattut kiffartuussinermut isumaqatigiissutissamut atatillugu isumaliutigineqarsinnaapput.

Apeqquteqaatika ullut suliffiusut qulit iluanni akineqarnissaat kissaatigaara.

---

<sup>1</sup> [https://ina.gl/documents/para3637/2021/spm/109\\_2021\\_Saelskind2\\_MHKUK\\_kal.pdf](https://ina.gl/documents/para3637/2021/spm/109_2021_Saelskind2_MHKUK_kal.pdf)